


Gobernuari «neurri politikoak» hartzeko esan dio Esquivelek

Beste lau Bake Nobel saridunekin kaleratu agiria aurkeztu du

Euskal Herriko bakearen alde beste lau Nobel saridunekin kaleratutako agiria aurkeztu zuen atzo Madrilén Adolfo Perez Esquivelek. Bakearen Nobel sari-dun argentinarrak neurri politikoak eskatu dizkio PPko Gobernuari, bake prozesuari sinesgarritasuna emateko.

Europa Press / Madril



Adolfo Perez Esquivel, atzo Madrilén.

J.J. GUILLEN / EFE

PEREZ ESQUIVELEKIN batera Euskal Herriko bakearen aldeko deia egin duten nobel saridunak ondokoak dira: Mairead Corrigan, Jose Ramos Horta, Joseph Rotblat eta Rigoberta Menchu. Bake prozesuaren protagonista nagusia Gobernuak dela azaldu zuen Perez Esquivelek Madrilén; izan ere, bere ustez prozesuari sinesgarritasuna emateko «neurri politikoak» hartu behar ditu Aznarrek.

Lizarrak Garaziko Akordioa eta ETaren su-etena etorkizun esperantzagarri baterako elementu direla adierazi zuen. Orain, ETA Zuzenbide Estatuan sarraraziko duten moduko neurriak egin behar ditu Gobernuak Nobel saridunaren iritziz. «ETAk pauso bat eman du, orain ikusi behar da zein den exekutiboaren erantzuna. Zuhurtasuna ongi iruditzen zait, baina gauza konkretuak dira aukerak zehazten dituztenak eta ez diskurtsoak».

Une honetan garrantzitsua konfiantza sortzea dela adierazi zuen, eta horretarako sinesgarriak diren pausoak eman beharra dagoela esan zuen behin eta berriro. Ildo horretatik, konfiantza eragile gisa euskal presoak Euskal Herriratzeara aipatu zuen. Presoak Euskal Herriratzeara gizatasun neurria dela azaldu zuen Perez Esquivelek, bestela presoek

senideek ere zigorra jasaten dutela esan zuen. «Halaber, neurri hori egokia izan daiteke tentsioa arintzeko», esan zuen. Beraz, bake bidean aurrera egiteko lehenengo pausoa presoak Euskal Herriratzeara dela esan zuen Esquivelek; hori pauso sinesgarria izateaz gain, konfiantza ere ekarriko duela uste du Nobel saridunak.

Bestalde, bake prozesuan euskal herritarrek parte hartu behar dutela nabarmendu zuen. Bere ustez argi dago arazoa ez dutela ETAk eta Espainiako Gobernuak bakarrik konponduko.

Berak ere PSOE Gobernuaren garaian euskal gatazkan bitartekari lanak egin zituela oroitarazi zuen, baina Jaime Mayor Oreja Barne Ministeriora heldu zenean bitartekaritza hori amaitu zela esan zuen. Nazioarteko bitartekaritzari buruz, Argentinako Nobel saridunak esan zuen Espainiako Gobernuak nazioarteko bitartekari nahi ez badu bilatuko dituela beste bide batzuk.

Agiriari dagokionez —EGUNKARIA-k azaroaren 4an kaleratu

zuen—, antzerako ideiak jasotzen dituzte Nobel saridunek. «Ausardia, erabakitaseun politikoa eta eskuzabaltasuna beharrezkoak dira lehenengo urratsak egiteko», diote, eta euskal gizarteari, Espainiako Gobernuari eta ETari behar bezalako erantzuna emateko eskatzen diete. Zailtasunak izan arren aurrera egiteko eskatzen egiten dute, halaber. X

Donostiako Entzutegiak berriz ireki du 'Elejalde auzia'

DONOSTIAKO ENTZUTEGIAK berriz ireki du Fernando Elejalde ustezko etakidearen atxilotetaren kasua, lekuko bati deklarazioa hartzearen. Lekuko horrek balazal bat hartu zuen gertaeren lekuan. Bestalde, epaileek indarrak gabe utzi dituzte Elejalderen abokatuek eskatutako probak. 1997ko martxoan atxilotu zuten Elejalde, Francisco Javier Gomez Elozegi Martuteneko espetxeko psikologoaren hilketan ustez parte hartu zuela eta. Bi egun beranduago, Donostiako erietxe batera eraman zuten komisariatik, eta familiari tratatu txarrak salatu zituen. Kasua artxibatu egin zuten urtarrean, baina errekurritu eta berriz ere irekitzea lortu dute. X

Jaurlaritzak PPri bizkartzainak kentzea gaitzetsi du Carlos Iturgaitzek

EUSKO JAURLARITZAKO Barne Sailak hilaren 13an kenduko ditu PPko kargu politikoek orain arte izan dituzten Ertzaintzako bizkartzainak. Duela hilabete zenbait zinegotzi eta kargu politikoei kendu bazitzaizkien ere, PPko ordezkari batzuk oraindik bizkartzainarekin dabiltza, Gipuzkoan eta Bizkaian batez ere. EAEko PP alderdiko lehendakari Carlos Iturgaitzek atzo adierazi zuenez, Jose Manuel Martiarenak gutun baten bidez eman dio erabakiaren berri. Bere betebeharrak alde batera ez uzteko eskatu zion Iturgaitzek Martiarenari, eta «HBren ingurukoak» bere alderdiko ordezkarien aurka egiten ari diren «eraso, irain eta mehatxu kanpaina» galaraz dezala. «Martiarenak ez badu normaltauna bermatzen, beste pertsona batzuei eskatuko diegu», gaineratu zuen. X

Indarkeriaren biktimei laguntzeko konpromisoa agertu du Setienek

INDARKERIAREN biktimen senitartekoei egindako bileraren ondoren, biktimei lagundu egingo diela esan zuen atzo Jose Maria Setien Donostiako gotzainak. Hala ere, ez du sinatuko larunbatean senitartekoei aurkeztutako idatzia. Idatzi horretan, biolentziaren biktimen inguruan Euskal Herriko Elizak duen axolagabekeria salatzen dute. Asteartean Bilboko gotzain Ricardo Blazquezekin bildu ziren, eta datorren astean Miguel Asurmendi Gasteizkoarekin, Jaur-laritzako Giza Eskubideen Taldearekin eta Xabier Markiegi ararte-koarekin egongo dira. X

Babes ofizialeko 11 etxebizitza

• Araba •

EUSKO JAURLARITZAKO BABES OFIZIALEKO 11 ETXEBIZITZETARAKO ESKATZAILE ZERRENDAK LAGUARDIAN

Eusko Jaur-laritzako Lurralde Antolamendu, Etxebizitza eta Ingurugiro Sailak onartutako eta kanpoan gelditutako eskatzaileen zerrendak onartu ditu, Laguardiako babes ofizialeko 11 etxebizitzetako sustapenean.

Eskatzaileen zerrendak gaur, abenduaren 4an kaleratu dira, eta 1999ko urtarrilaren 4rarte Arabako Etxebizitza Ordezkaritzan eta Laguardiako udaletxean egongo dira ikusgai.

Hilabeteko epea dago beharrezko diren erreklamazioak aurkezteko, behin kontsulta epea bukatutik.

Etxebizitzaren Euskal Zerbitzua-ETXEBIDEk eskatzaileei eskutitz informatzaile bat bidaliko die zerrendetan barne ala kanpo gelditu diren esateko. Edozein zalantza edo kezka argitzeko ETXEBIDErekin jar zaitez harremanetan **902.42.44.44** telefonora deituz.

Zerrenden kontsulta

Epea: 1998ko abenduak 4tik 1999ko urtarrilak 4rarte.


Lekua: Arabako Lurralde-Ordezkaritzan
Samaniego kalea, 2-1go solairua (Vitoria-Gasteiz)

Ordezkaritzaren ordutegia:

Astelehenetik ostegunera: 09.00-13.30
15.00-17.00

Ostiraletan: 09.00-13.30

Bestelako lekua: Laguardiako udaletxea
(Iragarki-Taula)



LURRALDE ANTOLAMENDU,
ETXEBIZITZA ETA
INGURUGIRO SAILA
DEPARTAMENTO DE
ORDENACIÓN DEL TERRITORIO, VIVIENDA
Y MEDIO AMBIENTE



902.42.44.44

Lizarrakoen hurrengo bilera prestatzen ari dira

■ Alderdi eta sindikatuek gaur zehaztuko dute batzarra

Erredakzioa / Donostia

GAUR arratsaldean bilduko dira Bilbon Lizarra-Garaziko Akordioa sinatu zuten alderdi eta sindikatuak, akordioaren sinatzaileen hurrengo bilera prestatzeko. EAJ, HB, EA eta IU alderdietako ordezkariak eta ELA eta LAB sindikatuak ordezkariak izango dira prestaketa lan horietan.

Gaurko bileran foroa noiz elkartuko den eta zer gai zerrenda izango duten finkatuko dute besteak beste. Jorratu beharreko gaiak zein diren oraindik ez da jakin, baina, Europa Press agen-

tziak atzo kaleratu zuenez, Lizarra-Garaziko Akordioa gizarteratzeko kanpaina bat abiatzea da sinatzaileen asmoetako bat. Kanpaina horren bidez gizarteari jakinarazi nahi diote Lizarrako Akordioa ez dela baztertzaila.

Lizarrako Akordioa irailaren 12an sinatu zuten Nafarroako herri horretan Euskal Herri osoko zenbait alderdi, sindikatu, gizarte eragileek. Bertan euskal herritarrei erabakitze eskubidea emateko eskatzen da, eta erabaki hori errespetatzeko. Akordioa sinatu ondoren beste bilera bat egin zuten urriaren 2an. X